

德壯果公年譜

德壯果公年譜卷三

次孫花沙納恭纂

乾隆六十年乙卯

公五十一歲

二月十九日

諭曰現在楚省官兵調派已及萬餘福康安自黔省前來亦必帶領黔兵數千軍威已極壯盛又派巴圖魯侍衛章京令護軍統領德楞泰帶領由驛馳往德楞泰前隨福康安當軍營翼長屢經委用自可得力况福康安久歷戎行聲望素著諒此烏合之衆無難一鼓殲擒

案先是貴州松桃廳大塘苗人石柳鄧楚省永綏廳屬之黃瓜寨苗人石三保聚衆爲逆由黃土坡及鳳凰廳焚燒劫殺乾州城已被圍倉庫俱掠正月湖廣提督劉君輔帶兵往剿入告上猶以爲苗民仇殺斥勿大其詞祇令雲貴總督福康安就近前往鎮察嗣據湖廣總督福甯湖南巡撫姜晟貴州巡撫馮光熊提督彭廷棟奏明乃悉苗逆叛官陷城焚掠各罪狀故准調宜昌鎮兵二千名澧州辰州兵四百名湖北兵三千名貴州兵四千名外續有是命

二十八日

荊州將軍興肇奏言近聞湖南鎮筸鎮所屬苗匪滋事總督福甯提督劉君輔俱帶兵前往臣等業經挑備滿兵並札會福甯如需用時臣卽行具

奏帶往

諭曰據興肇奏挑備荊州滿兵一千名額請帶往協勦等語此等  
滿兵駐防日久未必能勝於綠營現在湖廣所調之兵已有一  
萬數千餘名爲數不少著諭福康安酌量情形如無須添調滿  
兵則已儻或必須添調興肇人本老實副都統二員皆已年老  
恐帶兵不能得力近令德楞泰由京前赴湖南必由荊州經過  
該處滿兵旣經興肇挑備自己派有章京等領管德楞泰途次  
若接得福康安知會卽行順路統領帶往自較爲便捷也

三十日

福康安奏言黔省武職中曾經出兵之員甚少卽滇省亦  
屬無多可否仰懇

聖恩諭令額爾登保德楞泰等帶領巴圖魯數十員星卽前來帶領官兵勦捕黔楚逆苗可期得力

諭曰據福康安奏請派額爾登保德楞泰帶領巴圖魯數十員帶兵前往勦捕等語福康安未到之前早已派德楞泰帶領巴圖魯侍衛章京十餘員由驛卽日起程徑赴黔省聽福康安派令帶兵其額爾登保應令徑赴鎮筰一帶幫同帶兵庶黔楚兩省有熟諳戎行之員勦捕自更爲得力

閏二月二十二日

公奏言

臣

於閏二月十一日到鎮筰面見福甯等據云鎮

筰續調各營兵丁原有六千八百餘名內除北路各隘口

駐防兵二千餘現守城卡兵三千餘名外祇有打仗兵一千五百餘名所有續調湖北兵尙未趕到等語

臣視其地

勢鎮筭城大山環繞城外東北二山梁雖有安設營卡兵二千餘名而四面大山俱有苗匪侵占鎮筭乃辰常二府

要隘不可不嚴加防範

臣同福甯劉君輔蘇靈等前赴山

梁飭令官兵整固營卡福甯等急欲將現在兵一千餘名並駐守兵內酌量均挪共合兵二千餘名進攻但察看形勢尙須慎重辦理因向福甯等再四商酌若俟湖北奏調官兵到時會同進剿更爲計出萬全

諭曰福甯等因在鎮筭日久毫無展布今見德楞泰到彼欲思抽

撥兵丁攻打接仗以爲塞責之計福甯等旣因兵力未齊不能進取若輕於嘗試未能大加勦殺使賊匪等見欵差到彼亦未能大振兵威轉啟其輕視之心自莫若養精蓄銳俟福康安和琳前抵楚境會合攻擊可期一鼓集事

三月初二日

諭曰德楞泰係特派帶兵之員福康安處已有額爾登保帶同巴圖魯前往則德楞泰於劉君輔前赴保靖時自應帶兵同往乃留住鎮筰惟知坐待福康安檄調試思鎮筰已有福甯及蘇靈在彼防守豈尙不能堵禦猶待德楞泰幫同固守耶看來德楞泰見賊勢重未免心存取巧規避亦著福康安據實查奏

初五日

公偕福甯奏言本月二十三日探得苗匪窺伺永甯哨查  
永甯哨離鎮筰城二十餘里今年正月居民房屋已被逆

苗焚燬近因各處山梁設卡堵禦農民漸次歸耕結有廬

舍苗匪伺有糧糗什物復肆搶掠臣福甯臣德楞泰協同

鎮臣蘇靈卽日率領巴圖魯侍衛章京等帶戰兵一千名

趨赴勦捕臣等一到苗匪五六百人肩負糧食衣物半已

走上山梁臣等分作三路各帶兵弁追殺苗匪持械抵禦

其在山頭者拋擲石塊撲下抗拒自午至申見官兵打仗

益力始稍退卻臣德楞泰率領官兵施放槍箭殲斃苗匪

六十餘名賊衆紛紛四散奪得槍矛鐵叉七十一桿正在進剿突有苗匪七八百人從山後上據山梁放槍抵禦時天色漸近昏黑一帶皆深山密箐易逞詐謀不得不將兵分起撤回仍密遣人探聽虛實相機進剿

諭曰福甯等奏苗匪因見永甯哨農民漸次歸耕攜有糗糧什物復肆焚搶經官兵前往剿捕尙敢負險抗拒實爲可恨但官兵所殺賊匪僅六十餘名又因黑夜撤回豈不被賊所笑現在福康安和琳肅清松桃秀山後路統領川黔勁兵前赴楚省會剿賊匪即可蕩平福甯等旣已遷延於前此時亦祇可仍固守鎮筸待福康安和琳之至耳

初八日

福甯奏言

臣於本月二十三日與德楞泰勦散永甯哨賊

匪二十五日離高村二十餘里之新寨地廷溪等處有賊

焚劫德楞泰卽先帶兵六百名前往堵勦

臣正擬由旁路

抄襲其後適二十七日未刻鎮城山後有苗匪窺伺

臣等

督率兵將趕過山梁苗匪蜂擁千餘直前迎拒我兵奮勇

擊殺殲賊一百餘名復用火礮轟擊傷斃並落崖死者不

計其數時已戌刻賊人追趕無蹤始收兵回營擒到苗匪

訊非緊要之犯卽行正法至高村一帶賊匪已經德楞泰

殺退尙須布置周密方可回鎮

同日公奏言

臣

於本月二十五日率巴圖魯侍衛等帶兵

於濫泥巖門一帶堵截苗匪竊加攻勦共殺斃

一百餘名

生擒賊苗二名奪得槍刀器械無數卽於彼處屯兵暫守

一面札知辰谿縣防守之副將陳大龍知縣陳錫綺等嚴

加防守俟將餘賊勦捕淨盡卽回鎮筸隨同福康安和琳

帶兵進剿

十四日

諭曰據福康安和琳奏川黔兩省官兵剋期會合大獲全勝覽奏

實深欣慰又據奏松桃秀山後路甚關緊要現趕緊將各處邊界滋擾楚苗分路勦盡立卽赴楚相機辦理所辦甚合機宜今

石柳鄧旣往依石三保若吳隴登亦與石三保聚在一處更屬易辦惟當察看賊情先至黃瓜寨或鵝保寨賊首屯聚緊要之處合兵攻勦使賊猝不及備爲一鼓殲擒之計轉不必亟赴鎮筸該處有福甯姜辰蘇靈等在彼斷不至有他虞卽德楞泰亦祇須在蘭里一帶巡查使糧道無虞梗阻福康安和琳更可專力進攻賊巢擒拏首惡剋日歲功

十五日

福甯奏言鎮筸地方爲三廳咽喉門戶逆苗自窺伺以來全力悉注於此因守禦嚴密無隙可乘前月二十五日忽向後路之高村濫泥一帶滋擾冀欲搶截糧道經德楞泰

帶兵六百名前往勦捕痛加殲戮始紛紛四竄臣查辰谿  
濫泥高村等處爲軍餉文報要道經德楞泰帶兵勦殺賊  
匪布置一切極爲周妥臣在鎮城亦可遙相策應

諭曰福甯劉君輔此次所辦差強人意其鎮筸後路高村濫泥一  
帶有德楞泰帶兵在彼堵勦往來查察賊匪不敢侵擾驛道自  
可防範嚴密昨已有旨以鎮筸現有福甯蘇靈在彼儘可固守  
無虞令德楞泰不必回至鎮筸今高村一帶賊匪尙在窺伺德  
楞泰自應遵照昨旨在此督率防禦

二十八日

福康安和琳奏言官兵攻克土空一帶苗寨連夜直赴永

綏解圍自巴圖魯侍衛以至漢屯將備黔川兩省兵丁打仗殺賊幾及三晝夜再查石柳鄧惡貫滿盈茲聞大塘汎爲伊巢穴石花寨有其墳墓卽派令弁兵將其祖父墳墓發掘剗屍示衆俾知炯戒

諭曰福康安等統率大兵攻克土空打仗殺賊幾至三晝夜將弁兵丁人人奮勇爭先且派令花連布等帶兵分往永綏將八十餘日圍城立時解散實屬出力可嘉已明降諭旨將福康安和琳交部議敘著再賞給福康安和琳大荷包各一對小荷包各四箇額爾登保屢次帶兵分路勦賊德楞泰在鎮筰後路往來查察亦著各賞給大小荷包

四月初五日

福康安和琳奏言查鎮筰永綏一帶苗匪糾聚衆多極爲猖獗前此福甯德楞泰等屢次札商急欲帶兵出戰臣等因鎮筰爲三廳咽喉門戶賊匪出沒無常關係甚重諄囑福甯德楞泰等暫時固守不可輕動茲幸大兵已解永綏且進逼黃瓜寨巢穴賊匪自無暇復於鎮筰等處滋擾是以臣等現經札令德楞泰督率巴圖魯侍衛章京等酌帶兩湖官兵進剿迎赴臣等一路軍營所有鎮筰城內外卡隘仍屬福甯督同蘇靈嚴密防守查德楞泰自抵鎮筰分路設卡均屬妥協打仗數次亦能殺賊多名並非安坐鎮

城敢於取巧規避

二十七日

公偕福甯奏言據張廷彥稟報本月初六日有長潭芽扒  
谿窩插一帶各寨苗人攻燒擢馬卡等處順苗寨落欲圖  
繞襲花園當派遊擊王重品帶兵六百名於初七日前往  
勦捕至納馬車遇賊王重品衝上山梁殲賊數十名追至  
盤車有賊苗二千餘蜂擁抵抗王重品被圍衝突不出該  
鎮聞報率同遊擊馬愷帶兵往援內外夾攻殺上山梁合  
爲一處奮力痛殲賊人四散逃走王重品已經陣亡弁兵  
亦有傷損等情查長潭苗匪如此猖獗現在古銅谿屯聚

若該處稍有疎虞不特鴨保寨等處運道難通而花園隆團兩處糧運亦爲可慮且附近保靖永順一帶在在兵單恐張廷彥在彼未足深恃臣等公同商酌鎮筭係咽喉重

地

臣福甯難以擅離

臣德楞泰

在魏家莊山梁連次擊退

賊苗近日不敢再來窺伺目下花園等處緊急不便稍事

拘泥擬令副將岳逢堯前往巖門一帶更換鎮

臣蘇靈駐

劄營盤

臣德楞泰卽帶兵一百名

星夜馳往催齊續撥兵

丁酌量情形督同張廷彥將長潭一帶賊匪痛加剿殺以期廓清永綏後路運送軍糧儻急切不能開通卽保護兩

處糧臺嚴守保靖永順門戶另籌進剿

諭曰永綏後路因賊匪滋擾糧運致有梗塞德楞泰一接稟報即帶兵親往所辦差強人意川黔大兵現由榔木陀進剿黃瓜寨賊衆自必在彼抵死據守其分赴長潭之賊諒亦無多今經福甯畢沅先後派撥兵丁一千名前往應援德楞泰又馳往催齊各兵相機勦捕想永綏後路自無難廓清軍火軍糧即可源源前進

三十日

畢沅姜宸奏言據防守隆團副將富志那稟報十五日苗匪數百撲卡經遊擊馬天奇三格帶兵擊退追至獅子山腳下副將富志那恐其誘敵派兵分路接應賊苗果伏山

坳一時齊出意欲抄截我兵後路我兵槍礮齊發殺賊數十人十六日賊復聚集數千人撲卡經副將等奮力攻擊始行潰散臣查自隆園至永綏四十里中間張坪鴨保董

蕩三處一線山溝迂迴狹窄糧運行走已覺艱難苗賊負嵎恃險憑高抗拒尤爲可惡乃復乘間窺伺糧臺經兩次擊敗之後自當漸知畏懼適護軍統領德楞泰聞信由鎮馳赴隆園查看情形自保靖至隆園大路可以無虞隆園迤西尚有阻隔必須設法疏通俾軍儲轉運無滯最爲緊要統俟德楞泰到彼相機酌辦

諭曰賊匪屢經剿殺之後尙敢於花園隆園一帶不時出沒窺伺

糧臺實爲可惡現據德楞泰奏卽馳赴花園隆圍帶兵勦殺疏  
通道路所辦甚是又據畢沅等奏富志那於賊匪前來撲卡率  
領弁兵分投追勦直上山梁奮力攻擊所辦尙好至此等滋擾  
賊匪自應奮力窮追悉數殲戮乃往往任其潰散卽行收兵楚  
省將弁終覺不強人意著傳諭德楞泰等遇有賊匪滋擾務須  
督率官兵痛加殲戮毋僅以賊匪潰散卽爲完事

五月初七日

諭曰福康安和琳屢次董率官兵勦辦賊匪所向克捷連日天氣  
炎熱湖南想必更甚官兵觸暑進攻至於兩晝一夜不能安憩  
實在出力可嘉幾於不忍披視除將福康安和琳及在事出力

將弁交部議敘外並加賞福康安和琳小荷包各一箇香袋各三箇額爾登保德楞泰小荷包各一箇以示嘉獎

十三日

福康安和琳奏言首犯吳半生石三保等總在西梁附近及鴉西鴨保等寨併力拒守其花園隆團等處賊苗出沒無常皆係餘黨張廷彥所帶之兵止足供保護糧臺之用復檄袁國璣前赴該處以期牽綴賊勢至德楞泰現在已到花園計算兵力不下三千餘人此時不便以有用之兵將僅捕此等餘黨且德楞泰於軍營諸事深堪倚仗已飛調德楞泰來至軍營以便臣等隨時督率調度或分投勦

捕或間道出奇設法攻圍於事較爲有裨

二十一日

福康安和琳奏言

臣等正在籌酌進兵適德楞泰接到

臣

札調檄文卽由棚門小谿一路間道前來詢以該處賊勢據稱花園隆團附近苗匪聚散無常德楞泰到彼後連次同袁國璜帶兵勦捕漸形斂跡惟董蕩地方與鴨保寨路徑毗連表裏相倚苗匪較衆且遮隔永綏大道現在袁國璜與張廷彥合兵一處足資防堵如此間首惡就擒則餘黨自必立時瓦解等語臣等於初四日分兵四起額爾登保德楞泰帶領巴圖魯將弁官兵往來督催各路均由雷

卷之二

公山西梁等寨分路進發殲戮無算

諭曰福康安等奏官兵分路進剿於重山驟雨之中將弁兵丁等  
無不爭先攀陟奮勇窮追連克大小苗寨六十餘處木城四座  
石卡三十五處殲斃賊苗不可勝計皆由福康安等調度得宜  
而官兵爭先效命奮勇出力覽奏之下均屬可嘉可憐著賞福  
康安和琳大小荷包並賞給額爾登保德楞泰小荷包各二箇

六月初三日

諭曰賊匪經官兵屢次勦殺之後尙敢分路肆擾實爲可惡高村  
巖門前此德楞泰在彼往來巡查賊匪不敢窺伺德楞泰前赴  
花園一帶續經福康安等調赴軍營福甯卽應派令蘇靈前往

德楞泰之地駐劄以便隨時稽察堵禦該督一味畏葸仍留蘇靈自衛遂使賊匪窺見高村一帶無大員彈壓肆行焚掠嗣後福甯惟當率同該鎮察看賊情隨時勦捕留心防範勿再貽誤干咎

初四日

福康安和琳奏言大烏草河地方兩山陡立勢極險峻賊匪於對面山梁分布木城石卡抵禦甚力臣等於十二日督同額爾登保德楞泰等帶領官兵自大樹坡下至河岸設法搭橋而河水漲發湍急倍常橋木均被水衝不能搭架隔河賊匪無數排立施放槍礮併力抵敵不能竟渡復

於三十四十五等日帶領將備等分投督兵於上下游  
河岸併力攻擊晝夜相持賊匪於對岸懸崖亂石之中蛇  
行蟻伏對放槍礮並不少退正在攻擊之際適駐劄永綏  
提督劉君輔乞師討董蕩大山賊匪以護永綏隆團要路  
當令花連布由葫蘆坪一帶相機策應去後嗣於十六日  
遙聞黃瓜山一路槍礮之聲遠近不絕旋據穆克登阿報  
稱各營卡忽有羣賊攻撲臣等當卽酌留德楞泰在大烏  
草河對敵親自督師馳往黃瓜山查看分投攻勦

十一日

福康安和琳奏言臣等在大烏草河與賊匪相持當經遣

人蹤探查得大烏草河迤西有大山一道地勢險峻苗寨  
甚多所有鴨保鴉酉天星寨等處遠近山勢約畧可見賊  
匪俱於沙兜寨聚集遂於二十四日丑刻密派額爾登保  
德楞泰等分兵兩路繞道前進額爾登保德楞泰等帶兵  
行至四路口地方該處山坡陡窄險峻異常見有賊匪無  
數築卡守禦官兵左右圍繞併力夾攻隨將盤喇寨多喜  
寨汲河寨獨蓋寨等處寨落石卡悉行攻克亞等帶兵由  
正路直抵沙兜寨殲斃不可勝計適額爾登保德楞泰等  
將盤喇等寨攻克之後旋即帶兵趕到賊衆大潰自午至  
酉計殺賊三四百名拏獲石老裸等二十七名官兵卽於

多喜寨山梁駐劄

諭曰此次官兵在大烏草河駐劄躡探賊匪俱於沙兜寨聚集密派額爾登保等分路繞道前進福康安等由正路進攻將沙兜盤喇多喜等處寨落悉行攻克殲斃苗匪無數擒獲活賊多名實屬出力可嘉德楞泰著交部議敘

又

諭曰此次福康安等布置一切悉協機宜而官兵分投攻撲無不奮勇爭先均屬可嘉已降諭旨交部議敘著再加賞額爾登保德楞泰大小荷包以示嘉獎

十七日

福康安和琳奏言沙兜寨對面有盤基坳大山賊匪糾衆

據險撲營

臣預派設伏督同額爾登保德楞泰嚴整兵力

俟賊匪遇伏驚竄之次出其不意併力進攻賊匪四散驚

逸滾崖落礎者不計其數將附近之科榮科受仍渥等寨

一概焚勦

諭曰福康安等奏官兵攻克盤基坳山梁勦殺各寨苗匪福康安等密派官兵分投設伏誘賊前來出其不意併力進攻額爾登保德楞泰等分兵兩翼抄上山梁痛加勦殺將附近一帶屯聚接應逆苗概行焚勦甚屬可嘉

恭錄

御製詩

紀勝三十韻

紀勝非關紀勝遊紀我軍中勝功彙永綏解圍遂進攻蘭草

坪

黃瓜

寨

蘇麻

寨

壘是均速克各誌詩

福

康安和琳自會合一路

抵楚解永綏圍後卽乘勝

直攻蘭草坪黃瓜寨蘇麻寨三處所至克

捷

痛殲賊匪奏報到時均卽有詩紀事

確知三逆實四矣務

皆生獲靖根蘖待之以仲今季是

五月至六月

一月三捷茲已四嘉

我三軍敵愾美邇日心神實弗甯正值望捷兼望雨

叶

然而早

作夜思間萬幾庶政敕勤瑞小捷雖曾四度聞分詠無興茲統

紀一爲克上下西梁首逆巢穴深藏委斷賊後路過前河超岡

焚穴奔羣宄是時逆首受傷逃恨致傷輕未卽死

此番逆苗滋事初聞首惡

祇石柳鄧石三保吳龍登三人繼而福康安和琳自攻克黃瓜  
寨後拏獲苗匪龐老供龐老向訊知又有吳半生自稱吳王現  
居蘇麻寨石柳鄧等皆服其管束福康安和琳隨卽密躡路徑  
分兵四路沿途勦殺務將四逆全數擒獲及攻破蘇麻寨後吳  
半生等復逃至上下西梁福康安和琳於四月二十一日先令  
額爾登保等帶兵由雷公山一路預斷賊匪救援之路達音泰  
等帶兵由山溝小路過小烏草河直上山梁連克賊卡數十處  
下至濫泥塘後有賊苗數千蜂擁趕到我兵乘勢下壓賊匪抵  
死抗拒福康安和琳令達音泰等一面與賊對敵一面派令將  
弁分路抄上西梁及中西梁下西梁等處同時放火焚燒賊寨  
賊匪正在拒敵回顧巢穴被焚卽時潰散達音泰等督率弁兵  
尾追勦殺殲斃賊匪不可勝計額爾登保綸布春等帶兵分投  
設伏賊匪見官兵無多出卡迎擊官兵陽退賊匪追趕伏兵突  
起痛加殲戮額爾登保復帶兵由小路繞上山梁奪卡七座拏  
獲活賊三十餘名訊得吳半生所聚黑苗屢被官兵打敗支持  
不住吳半生受傷又竄至猿猴寨現在傷而未死或其罪惡貫  
盈不能倅逃顯二爲勦大烏草河山險巢多峰萃起四甄分路  
戮亦未可知

各進發兩督率衆相機使沿途破卡不計數槍礮聲聞數十里

# 木柴石城克及百惜逢大雨軍停止

按卡字不見經典查字彙  
補音雜楚屬關隘地方設

兵立塘謂之守卡今征楚苗其字義恰合又清語卡倫亦分界之義卡讀若喀自係方言音各不同耳

四月二十九日攻克

西梁寨後中間大山險峻苗寨極多賊匪或繞抄後路或分撲營卡甚爲詭譎福康安和琳於五月初四日三更派令侍衛色靈額等帶屯練降番爲一起總兵達音泰等帶貴州官兵並鄉勇降苗爲一起侍衛綸布春等帶四川官兵爲一起侍衛巴蘭

等帶滇黔官兵爲一起額爾登保德楞泰帶巴圖魯將弁官兵往來督催福康安和琳帶兵相機策應於初五日各路官兵將沿途苗寨之賊痛加剿殺隨剿隨進數十里內槍礮之聲相聞

不絕賊衆望風逃竄迨官兵追至懸崖陡磽之上將弁兵丁爭先攀陟奮勇窮追連克大新寨等大小苗寨共六十餘處木城

四座石卡三十五處槍箭所到殲斃不可勝計其中豹子陀雷

公寨赤河營一帶爲賊人藏貯火藥之地我兵放火焚燒烈燄衝天聲振山谷維時對岸聚集賊匪約有萬餘而大烏草河對

岸山梁屯聚者更多福康安和琳復挑選勁勇直搶上大樹坡山梁殲斃無算並於田坪地方排立大礮轟擊賊匪不支紛紛

潰散酉戌之間大雨益傾徧山霧氣昏黑不辨人馬因卽於大樹坡一帶拏卡駐劄三爲剗取沙兜礮大

烏河西巖峻峙宿將分兵繞道前帥臣正路不旁諉巴圖魯侍衛超羣黔川勁旅率臂指併力奮勇一當百所剗盤喇獨蓋址直抵沙兜采入雄仍拒官兵聚賊匪二將繞至力夾攻利箭神槍賊難抵密林亂石分投竄隨克巢穴都焚燬

大烏草河迤西有大山一道地勢險峻苗寨更多所有鴨保鴉酉各寨遠近山勢約畧可見賊匪俱於沙兜寨聚集福康安和琳隨於二十四日丑刻酌留弁兵駐守大烏草河密派額爾登保等分兵兩路繞道前進而親率達音泰等帶領川黔勁旅由正路進攻額爾登保等至四路口地方該處山坡陡窄賊匪築卡守禦官兵左右圍繞併力夾攻隨將盤喇獨蓋等寨石卡悉行攻克福康安和琳直抵沙兜寨賊匪呐喊迎拒不下五六十人官兵無不奮勇爭先槍箭所及殲斃不可勝計適額爾登保等亦即趕至賊匪因見聲勢甚大不敢結隊抵敵猶在密林亂石之中分布放槍抵禦官兵用大礮擊斃無數餘匪始行潛遁此次約計殺賊三四百名拏獲活賊石老棵等二十七名審明後均卽正法梟示其石老棵一犯石三保封爲軍師亦卽寸磔梟示是時花連布所駐之葫蘆

坪亦有賊匪攻撲該鎮畜力追馳並將上竹排下竹排各寨悉行焚燬諸神保所駐之蘭草坪等處賊匪間出滋擾亦即隨時擊退四爲攻得盤基坳逆卡固守注力此敢復乘間聲撲軍營分

班設伏伺其至

叶

賊果蛇行曲徑來遇伏蠭散紛奔徙滾崖落

礮數難窮火其五寨軍營啟獲俘訊是首逆姪親見受傷幸生

耳

二十六日攻勦沙兜寨後見對面又有盤基坳大山一座賊匪因大兵注力此間據險設卡乘夜分投來撲福康安和琳

嚴飭弁兵毋得輕動必須見賊匪相近看準放槍擊打並密探賊匪出沒往來路徑於六月初一日夜間派巴圖魯侍衛綸布

春等各帶降番屯練分路設伏福康安和琳督同額爾登保等

嚴整兵力俟賊匪遇伏驚竄出其不意併力進攻賊匪果於初

二日丑刻成羣結隊由左右山溝蛇行曲折而來將及上礮我

兵四出槍箭齊發賊匪彼此不能相顧紛紛逃竄額爾登保等

分兵兩翼趨上山梁各卡賊匪正思背負器械糧食奔逸不料官兵三面驟至四散驚逃滾崖落礮者不可勝計巴圖魯侍衛

將備等一面追捕一面將科榮科受仍渥俄戴撤罕

五寨概行焚燒官兵隨移營盤基坳山梁駐劄此次拏獲活賊吳老霸一

名訊係吳半生之姪供稱吳半生前在西梁地方打仗左膀右腿兩處受傷未死等語現在賊勢窮蹙大兵逼近巢穴賊匪認亦無路可竄福康安和琳亦自急欲立功以慰懸念指顧將首逆四人一併生擒以正典刑而揚國威惟盼奏章飛遞喜音速至凡此四戰樹奇勳我兵勢甚休息擬又據福康安和琳奏官兵駐劄盤基坳山梁非不思急圖進取惟日來雨水過大稍晴卽蒸熱異常各兵於崇山峻嶺之上晝夜奔馳雨淋日曬甚爲勞瘁宜令稍爲休息並查兵丁帳房衣履因積雨多亦須另製以資更換俟稍加整頓卽當設法前進以期早獲渠魁殲除餘黨斷不至稍有違延等語批覽之下方深切嘉分識合獎揚國威憐弗遑肯催弗已憐亦何忍更加催迫也 分識合獎揚國威憐弗遑肯催弗已掃穴捉生想近哉佇待飛箋報捷喜

七月初三日

諭曰現在賊匪黨與日孤福康安等正宜趁此進攻以爲掃穴擒渠之計昨因德楞泰前在濫泥高村一帶往來督察駐劄日久

則情形較熟曾諭福康安等或令德楞泰仍回鎮筭會同觀成等帶領滿兵追蹤首逆吳半生由間道出其不意直抵賊巢知會福康安和琳兩路夾攻使賊腹背受敵尤易成擒出奇制勝之法朕意無過於此福康安等務宜多方設法熟籌速辦並鼓勵將弁兵丁使之共知敵愾齊心鼓勇以冀剋期集事不可株守日久以致師老氣怠此爲最要

初九日

福康安和琳奏言

臣

等於十七日辰刻督率官兵向濫泥

塘一路前進適據降苗百戶等報稱訪得吳半生前被官

兵勦敗痛恨降苗報信現由雷公灘糾衆前來忿欲報仇

等情臣等當經督同額爾登保德楞泰常明及巴圖魯侍衛將備等帶兵迎擊甫抵濫泥塘對面山梁卽有逆苗數千分路迎撲而來我兵早已占住山梁奮力下壓施放槍箭斃賊無數臣等體察賊苗心性詭譎多端若非引誘官兵深入自必糾衆復來當卽密派常明酌帶奮勇兵丁及出力降苗於山坡左近設伏截其歸路陽將大隊官兵撤回令賊望見臣等整兵以待於十八日卯刻果有賊苗五六千人飛奔而來距濫泥塘數里有溪河一道賊匪正在過河之際當卽督兵星馳前往排槍轟擊賊匪一時擁擠不開頃刻之間著槍帶箭落河淹斃者不可勝計官兵趁

勢追勦而常明所帶伏兵於隔河山坡突起截殺賊匪腹  
背受敵殲斃甚多乘勝窮追連奪賊卡五座直抵黑陀山  
梁查看山後坡礎曲折勢極險峻本爲雷公灘賊寨出入  
要路臣等連日督兵攻打賊匪守禦甚力二十一日晚間  
復整頓兵力派令額爾登保帶領綸布春巴蘭常山塞音  
庫劉廷奇馬登朝施縉楊遇春等由盤黨南山梁進攻令  
常明同塞靈額阿哈保西津泰定扎勒扎隆阿額勒登賈  
斌程大韜等由地塘東山梁進攻臣等督率德楞泰定西  
鼐富蘭富僧德吉勒通阿張玉龍劉懷仁張永祺長春馬  
瑜應元寬等帶兵由正路前進直趨雷公灘大山賊苗望

見均各蜂擁前來捨命抗拒不下萬餘並有騎馬賊目五六人指揮衆苗往來抵敵維時三路官兵驟至將賊衝作數截內有騎紅馬執旗賊目一人猝被飛礮連馬打倒隨賊之苗匪十餘人一併轟斃賊衆驚慌均由雷公灘之東山梁一路紛紛竄去擒獲活賊毆老保等十七名逐加研訊僉稱吳半生前次潛來扳登寨糾約苗匪不意被吳清德等訪聞稟報幾被擒獲吳半生痛恨降苗本欲燒燬此一路苗寨希圖報復乃連日又被官兵打敗如今不知逃往何處吳半生前在西梁帶傷近日養好所以復從鎮筸一帶聚衆而來聽說大烏草河那邊尚有吳半生同夥頭

目隴添貴帶領苗匪在沿河一帶悉力守禦此次擊死騎馬賊目係大坪苗首吳老四等語

十七日

福康安和琳奏言二十八日督率額爾登保德楞泰及巴圖魯侍衛將弁等由雷公灘進兵二十九日傍晚進抵隴河營哨探前途賊匪更衆臣等整頓兵力連夜疾趨賊匪退聚古哨營山梁勢極猖獗臣等屯兵對面山梁分兵三路奮力攻殺當將該處山頂奪據查由古哨營前進爲大烏草河下游係賊匪往來出沒處所應乘其不備設法竟渡隨於初二日四更預派德楞泰等多帶官兵於山坡一

帶徧點號火作爲欲由此渡河之勢賊匪望見卽聚衆抵禦

臣

等密督額爾登保等潛由數里外之誅苗坪伐木搭

橋濟渡官兵遷出賊後奮勇截殺賊始逃竄德楞泰亦卽

督兵乘勢過河前後夾攻斃賊不計其數

臣

等復與福甯

等面商於高村一帶添設營卡數處德楞泰於該處情形較熟自能布置周密卽令德楞泰赴彼悉心籌畫俾後路往來無阻聲勢聯絡

諭曰此次連克賊寨奪過大烏草河皆由福康安和琳調度得宜而在事將弁兵丁亦俱奮勇出力且伊等當此炎風烈日之際不辭勞瘁觸暑進攻實堪嘉獎德楞泰等著各賞給荷包

二十八日

福康安和琳奏言

臣

等督率德楞泰等統領大兵跟探首

逆蹤跡相機並進甫抵長營哨擒獲麻老葉一名訊據供

稱連日勦散苗匪均在爆木林地方聚集希圖搶奪糧石

軍火等項並要偷拆誅苗坪河岸所搭橋座

臣

等整兵前

進初八日行抵盛華哨地方查該處向爲首逆吳半生等

出沒處所上下俱係陡坡山半有木城一道我兵仰攻極

爲費力惟山坡左手有小路一條賊來取水絡繹不絕德

楞泰等帶領弁兵乘夜於該處附近山包立築小石卡一

座安設礮位斷賊汲路賊匪各形慌亂傍晚之際賊匪均

向德楞泰卡內放槍攻打德楞泰嚴飭各兵排槍抵敵毋  
許稍動臣等督率大隊直趨山頂奪據木城

諭曰福康安和琳督率將士併力會攻勞苦備嘗至於不忍披視  
看此情形成功似近著賞給福康安和琳舊玉搬指各一箇大  
荷包各一對小荷包各四箇賞給額爾登保德楞泰玉搬指各  
一箇大荷包各一對小荷包各二箇

八月初九日

福康安和琳奏言查前次獲賊研訊曾據供稱吳半生有  
往來古丈坪等處糾聚苗衆抗拒官兵等語其說雖不足  
信但吳半生屢被官兵痛勦計無所出不過東奔西竄以

圖苟延殘喘正應併力進攻務期速獲惟自盛華哨前進  
中間如黃毛坡貓頭狗腦坡猿猴寨等處逆苗寨落萬山  
層疊路徑迴環更非烏草河以西山勢可比懸兵深入梗  
阻之處極多但念兵行神速方能制勝且賊匪疊次敗北  
業已心膽俱寒我兵一據勝勢則前後左右逆苗自必望  
風震懾臣等督率額爾登保德楞泰花連布等帶領滿漢  
屯土官兵跟查首逆蹤跡並令貴東道常明等帶領老烏  
厥一路官兵會同總兵珠隆阿豁隆武等將大烏草河迤  
西一帶未勦苗寨全行掃蕩與大兵剋期會合臣等自發  
兵以後或分或合步步爲營俱遠由懸崖絕壁之上晝夜

並進官兵奮勇直前自十五日後連克螞蝗冲櫟木樹蝦  
皮寨大馬村貓頭黃毛坡猴子坪等處大小寨落五十餘  
處殲戮苗匪不可勝計二十日黎明進抵成光寨該處寨  
落櫛比抗拒苗匪不下萬餘臣等督兵四面攻圍鎗礮轟  
擊派令巴圖魯侍衛將備等分投攻撲奮勇勦殺自辰至  
午賊匪抵敵不住四散奔潰由成光寨以至下狗腦坡山  
勢愈險迎面悉係峭壁山巖之上滾木礌石堆積無數賊  
匪均於山頂憑高瞭望執旗賊目往來指揮嘯聚甚衆臣  
等在對面山梁安設礮位併力轟打並派花連布帶領巴  
圖魯色靈額定西鼐參將劉廷奇長春遊擊施縉等作爲

一路額爾登保及綸布春帶領巴圖魯多隆武巴蘭西津  
泰遊擊阿林布馬登朝都司楊遇春葉華守備沙應龍等  
分兵兩路直抄上狗腦坡奮勇夾攻臣等督同德楞泰及

巴圖魯阿哈保溫春三音庫副將德勝遊擊張永祺劉國  
剛德清額宋延清都司德甯馬瑜等緊接花連布一路而  
進所有下狗腦坡山頂賊匪因大礮點放緊急每欲下坡  
迎敵一經露面卽爲礮火飛擊而去均潛藏於石砌之內  
二十一日五更花連布帶領屯番身冒賊槍扳藤附葛而  
上直至山頂我兵槍箭並發斃賊甚多隨將山頂奪據查  
該處兩山夾峙所有逆苗寨落悉在山坳花連布因見賊

勢漸卻卽分兵下壓適額爾登保綸布春兩路官兵遺出  
賊後立將上狗腦坡一帶大小山包全行占住與花連布  
等兩面夾攻臣等督同德楞泰等疊次撲壓賊匪腹背受  
敵槍箭所到橫屍徧山澗水皆赤並將狗腦坡上下苗寨  
縱火焚燒凡有藏積硝礮一時延燒響徹山谷沿坡大小  
巖洞均有逆苗藏匿隨督同額爾登保德楞泰花連布等  
帶領巴圖魯侍衛將備等砍伐竹木隨處薰塞賊匪衝烟  
冒火惶駭爭逃當被官兵砍斃者十有七八而猿猴寨苗  
匪深知官兵已據狗腦坡山梁望風奔潰臣等督兵連夜  
掩襲而進復將猿猴寨一帶寨落全數攻克此次官兵連

日窮追痛勦不分晝夜並無停歇道路又極險峻皆從山嶺層疊之間遶道進取聲東擊西往來跋涉不下二三百里之遙官兵人人奮勇攻堅奪險踴躍爭先軍威更覺大振其附近苗匪多有長跪山巔哀求乞命並有情願跟隨打仗守卡修理道路以圖贖罪者臣等因首逆等正在負嵎固結之時不得不暫准降順以分賊勢當卽准令投降仍留心察看密爲防範現在星夜派兵設法圍捕將古丈坪四面山梁嚴密堵截務俾該首逆剋期就獲

諭曰福康安和琳此次連日窮追痛勦不分晝夜且攀陟險阻於崇山峻嶺之間遶道進取往來跋涉不下二三百里之遙備嘗

勞勸幾不忍披閱特親解小荷包二箇分賜福康安和琳以示  
優眷仍各賞大荷包一對小荷包二對並賞額爾登保德楞泰  
花連布常明珠隆阿那丹珠豁隆武大小荷包其打仗兵丁及  
屯番等俱加賞一月錢糧用昭獎勵福康安和琳當督率將士  
倍加奮勉統俟大功告竣再沛恩綸同膺懋賞

十五日

福康安和琳奏言臣等自奪過大烏草河以後連克險要  
苗寨訪聞吳半生竄匿古丈坪一帶隨卽跟蹤前進以冀  
速擒乃連日大雨滂沱道路泥濘官兵等不避沾體塗足  
一往直前該苗匪等一見官兵驟到自恃地方險隘悉力

抗拒所有連次殺散賊匪俱竄集其間而古丈坪南面大山梁一道縣瓦不下二二十里峭壁懸崖非常險峻千百

爲羣凡有深林陡磽之內分布幾滿至二十七日臣等督

率額爾登保德楞泰花連布那丹珠豁隆武常明等帶領

巴圖魯侍衛將備分兵五路冒雨直搶山梁並於西北兩面劄營要隘安設礮位以防奔潰賊匪於層巒峻壁之上

往來衝突捨命迎拒我兵奮勇勦殺自辰至未殲斃賊匪

幾及千餘賊勢稍卻卽督同額爾登保等帶兵占住山梁

乘勢下壓雖時大雨傾盆風勢更大霧氣漫山咫尺不辨

路徑而且山水陡發衝激而下竟難直抵攻撲當卽暫時

拏卡駐劄直至二十九日傍晚雨勢稍止臣等帶領官兵分投攻撲甫近古丈坪苗寨查探賊匪寨落已空糧食器具各件拋棄滿地自係因官兵勦捕愈力卽乘風雨昏夜之際潛行逃竄

諭曰福康安和琳奏官兵分路冒雨直搶山梁殲賊甚衆賊匪乘風雨昏夜之際潛行逃竄當此勢窮力蹙尙敢負嵎抗拒乘間竄逸狡詐百出實在可恨可惡此時福康安和琳帶兵進捕或吳半生尙在山坳巖洞之內暫行藏匿立就生擒固屬甚善設竄入鴨保鴉酉平隴一帶與吳隴登石柳鄧石三保聚集一處更可悉數擒拏一舉集事朕盼望捷音雖屬急切但念福康安

和琳帶領官兵冒雨進攻不避艱險亦不忍加之催促而在事  
將弁兵丁等於崇山峻嶺之中雨夜奮攻備嘗勞勦並無傷損  
慰幸之餘倍深憐念福康安和琳與將弁兵丁等如此冒險奮  
攻實爲出力可嘉特解親佩小荷包並加賞大荷包各一對小  
荷包各四箇火鏢各一箇白玉松石翎管各一箇翡翠搬指各  
一箇賞給額爾登保德楞泰花連布那丹珠豁隆武常明大荷  
包各一對小荷包各二箇火鏢玉搬指各一箇磁翎管各二箇

二十九日

福康安和琳奏言

臣

等自冒雨攻克古丈坪之後連日雨

勢滂沱霧氣凝聚山坡上下泥深徑尺道路多有衝斷者

賊匪均於遠近山梁築卡嚴守官兵等實屬難於登陟直

至初十十一等日雨勢稍有間斷臣等一面趕緊發兵一

面復遣降苗四處哨探務得首逆吳半生下落去後查由

古丈坪前進附近之馬鞍山糯塘蝦蟆洞等處均係賊匪

負嵎糾聚處所而迤南毛豆塘一帶之賊又緊躡我兵之

後必須設法堵截當經派令額爾登保花連布等帶領官

兵由貓頭一路直通黃毛坡山梁嚴密拏營設卡以分賊

勢臣等督率德楞泰那丹珠豁隆武常明及巴圖魯侍衛

將備等竟攻蝦蟆洞賊巢十二日辰刻進抵烏隴巖地方

該處有逆苗寨落二三十處苗匪俱於石砌之上築卡守

禦一見官兵驟到卽放槍抗拒臣等督兵直前奮勇勦殺  
正在攻撲之次倏有策應賊匪由山巖小路攀援石壁而  
來不下五六千人捨命迎敵臣等復飭各將備等分投迎

擊我兵穿林跳澗趨捷倍常接戰三四時之久斃賊甚多

內有騎馬執旗賊目一名屢次衝突勢甚兇悍適礮火飛

擊連馬墜入深澗我兵併力爭先痛加追剿殲戮不可勝

計賊匪力不能支旋卽踉蹌奔潰當將烏隴巖等處大小

苗寨全行攻克乘勢搶上山坡所有蝦蟆洞賊匪無不望

風潰竄一時滾巖跌斃者無數官兵鼓勇前進直抵楊柳

坪

諭曰福康安和琳此次督率將弁冒險進攻勞苦備至著賞給福  
康安和琳白玉四喜搬指各一箇並大小荷包用昭優眷額爾  
登保德楞泰花連布那丹珠豁隆武常明各賞給碧玉四喜搬  
指各一箇並大小荷包福甯固守鎮寧分防後路尙爲安協亦  
著賞給碧玉四喜搬指一箇並大小荷包以示嘉獎又發去餉  
餉二匣奶餅九匣交福康安和琳分賞帶兵打仗之巴圖魯侍  
衛章京及奮勇出力之鎮將弁兵一體分賞俾其益知勸勵其  
打仗奮勇之兵丁並著福康安和琳查明實在出力者賞給一  
月錢糧以示鼓勵

九月十一日

福康安和琳奏言臣等駐劄楊柳溝之後連日秋霖縣密重霧迷漫兼以山徑崎嶇逆苗處處守拒甚固直至二十  
三日天色漸晴氣候加爽重岡疊嶂方能辨識路徑惟臣  
等劄營處所附近左右環遶本悉係逆苗寨落而哨探茶  
它地方苗匪攢聚甚衆偏山石卡木城砌築無數其毛豆  
塘一路賊匪乘間糾約愈聚愈多與額爾登保等營卡緊  
接冀圖抵禦梗阻當經臣等密飭額爾登保花連布等一  
路趕緊發兵並派令德楞泰帶領阿哈保常山富僧德鄧  
英雄雙林等作爲一路豁隆武常明帶領定西鼐溫春張  
玉龍劉國剛馬瑜等作爲一路直搶茶它山梁臣等督率

大兵隨後策應維時積雨初霽山坡尙極澁滑各兵攀援  
石角奮勇競上賊匪望見自恃人數衆多卽蜂擁出卡迎  
拒我兵分路効殺連奪賊卡六處殲戮賊苗不可勝計各  
路官兵乘勢搶上山梁槍箭並發兼用大礮併力轟擊所  
有木城內賊匪立斃無數餘賊力不能支均各踰跪奔潰  
我兵分投進剿賊匪帶槍著箭者積屍徧地餘衆鼠竄而  
逸額爾登保花連布等督率弁兵從黃毛坡進發甫下山  
坡卽有賊匪數千從對面大山沿坡接踵而下額爾登保  
當將各兵駐劄遠望賊匪將抵山溝卽飛催各兵奮勇下  
壓賊匪一時進退無路我兵連環放槍迎頭擊打花連布

等復帶兵繞出賊後悉力夾攻賊匪捨命衝突殲斃無算  
當將毛豆塘一帶苗寨悉行攻克臣等次日帶兵復從茶

它進攻沿途山坳巖洞俱各分撥官兵逐加搜剿並將攻  
克各寨放火焚燒直抵柳旁地方臣等正在督兵打仗之

時有各處苗寨陸續泥首軍前呈繳刀槍器械叩頭乞命

兩三日間共有七十餘處內如栗林排若苟若兜思兩義

河均係著名緊要寨落亦俱相率前來可見首逆等勢力

日孤黨援日散將來必更有紛紛續至者其中難保無心

存觀望之徒臣等惟有加意防閑密爲查察此時不動聲

色姑准降順以爲解散之計總之此刻該苗匪等大概情

形已日形窮蹙自此前進如隆蓬廓家天星寨等處山徑

更加陡險逆匪等恃險負嵎屯聚正復不少

臣

等現在一

面安頓降苗嚴密布置後路一面趕緊設法采入環攻務期隨勦隨撫乘間出奇卽日迅獲渠魁以副

聖主諄諄訓諭之至意

十八日

福康安和琳奏言苗匪經官兵節次痛加殲戮該首逆等伎倆日窮勢必竄入鴨保平隴一帶恃險負嵎而平隴地方本與乾州相近臣等此時統率大兵直撲鴨保平隴以冀擒渠掃穴收復乾州爲一鼓集事之計但查自此前進

逆苗寨落節節險峻非常賊匪蜂屯蟻聚必須厚集兵力逐節疏通各處後路旁徑均應布置嚴密以防其乘間繞截而杜其四出竄逃查毛豆塘一路最爲賊匪固結處所且緊躡大兵之後雖經節次剿殺但賊匪出沒無常必須將毛豆塘迤南各苗寨全數廓清方爲萬全無慮查現在所調粵西官兵由鎮筭前至軍營臣等卽令花連布前往從長坪齊集粵兵會同將軍興肇再行抽撥附近鎮城之滿漢官兵直從長坪一路前進務將毛豆塘等處賊匪悉力翦除然後會齊大兵全力直搥賊巢其平隴地方先經臣等檄令總兵袁敏從瀘溪帶兵進剿茲據該鎮稟報業

已進抵能灘步步安營設卡已極周匝惟洗溪能灘各處俱係兩山夾峙道路亦極遼闊惟恐袁敏一人照應難周茲又酌派蘇靈前往協同堵勦不使逆匪稍有竄匿臣等

連日正在調派整頓間適據降苗等報稱探得鴨保平隴

各寨又添聚逆匪五六千人俟官兵前進欲從狗腦坡一路抄截我兵之後其馬鞍山一路亦有賊匪據險抗拒臣

等查現在後路營卡層層安劄極爲周密斷無他慮惟苗

匪旣慳不畏死而來正應設法迎擊痛加勦殺以褫其魄

當經飭令額爾登保那丹珠豁隆武常明及巴圖魯侍衛

大小各營卡一體整兵預備遠望該苗匪等攀援爬越於

山溝石礎之中攢集如蟻三十日黎明分路搶撲各山梁  
官兵營盤遠近槍聲並發我兵俱用槍礮併力擊打相持  
兩三時之久賊勢漸卻臣等卽督同德楞泰等帶兵衝截  
殲斃賊苗甚多餘衆踉蹌退去計料苗匪等心性詭譎雖  
暫時敗退晚間自必復來臣等又密派將領挑選奮勇勁  
兵查看日間賊匪遁去路徑分投埋伏將及三更其柳旁  
東北兩大山均有賊匪結隊而至意圖直撲大營喊聲甫  
起伏兵兩路排槍連環迎擊賊匪於昏黑之中不辨官兵  
多少立卽紛紛潰竄維時那丹珠常明兩處營卡苗匪同  
時驟撲亦經預爲設備猝遇伏兵無不驚駭奔逸臣等隨

卽督同德楞泰阿哈保溫春定西鼐常山多隆武等統率  
大隊乘勝前進沿途斬殺苗匪屍傷遍地拋擲槍矛器械  
無算直抵巖碧大山該處苗寨林立我兵鼓勇競上連奪  
七處山包復又殲斃不計其數其馬鞍山一帶嘯聚之賊  
屢次攻撲營卡俱經官兵隨時擊退斃賊甚多

諭曰福康安和琳現籌會集官兵夾攻尙畧需時日然據奏永綏  
隆團小鳳凰營等處各寨陸續出降又據畢沅等奏稱乾州保  
靖永綏永順等屬二百二十七寨詣行署乞降連前已共有三  
百七十七寨現在安爲安撫等語降苗投誠日衆賊勢愈孤况  
新調粵西兵丁俱已到營兵威壯盛此次賊匪糾衆撲營又連

被官兵大加殲戮其勢更形窮蹙看此情形賊首吳半生等指  
日即可成擒惟朕盼捷之懷益增紫望耳福康安和琳此次廓  
清後路調度得宜而在事將弁等俱各奮勇出力著加恩賞給  
福康安和琳碧霞靈帶各一副磁搬指套各一箇葫蘆大荷包  
各一對小荷包各四箇並賞給額爾登保德楞泰花連布袁敏  
蘇靈那丹珠豁隆武常明火鐮各一把磁搬指套各一箇大荷  
包各一對小荷包各兩箇以示嘉獎

恭錄

御製詩

福康安和琳等奏攻得茶它柳芬等處賊巢降苗愈衆進

圖鴨保廓家隴平賊生擒賊首吳半生等大功近成得

詩二律一韻

春夏雨來胥計苗師之正曲理原昭

點楚苗衆久已食毛踐士同享太平朕自御極以來

從未嘗與內外大小臣工等議論及之有盡欲改土歸流之意乃今年正月中忽有逆苗吳半生吳隴登石三保石柳鄧等勾結作亂戕害良民焚掠地方不得不興師致討曲直之理天鑒昭然朕再四思維此事或當仰邀

吳熙助順成功也

誰知地險延時節

春間逆苗滋事自二月初四日聞信之後卽籌征剿而福康安不待旨諭已卽馳赴貴州

銅仁府連解正大喚腦松桃之圍適和琳新授四川總督自藏

來京陛見一至四川聞信亦卽馳赴秀山剿戮逆苗旋與福康

安會兵楚境軍威壯盛無難迅速蕩功無如

加以秋霖追小宵

湖南山巒繞複地勢險惡以此稽延時日

兵過大烏草河後連克險要苗寨不下數十處逆首吳半生等

竄匿古長平一帶大兵跟蹤前進以冀全數俘獲無如連日大雨滂沱官兵等沾體塗足一往直前勦殺賊匪幾及千餘而此

後風雨更大霧氣漫山咫尺不辨路徑難以攻撲及雨勢稍止  
奮勇攻至古長平苗寨糧食器械拋擲滿地逆首竟乘風雨昏  
夜之際潛行逃竄實堪痛恨鼓勇直前圍近穴於八月十五日已將大兵攻  
克烏龍巖一帶寨落進抵楊柳塘因雨阻暫駐情形馳奏自駐  
劄楊柳塘之後連日秋霖縹密重霧迷漫加以山徑崎嶇逆苗  
處處守拒甚固福康安和琳萬分焦急日夜虔心祈禱冀得開  
霽以利軍行直至二十三日天色漸晴氣候加爽方能辨識路  
徑哨探附近左右環繞悉係苗寨而茶它地方苗匪攢聚更多  
石卡木城林立無數其毛豆塘一路亦糾約多賊抵禦福康安  
和琳密籌飭派額爾登保花連布等趕緊發兵令德楞泰等帶  
領一路那丹珠等帶領一路韶隆武常明等帶領一路直搶茶  
它山梁自行督率大兵策應維時積雨初晴山坡濕滑各兵攀  
援石角奮勇競上賊衆抵抗我兵截殺連奪賊卡六處殲  
賊不可勝計各路乘勝直前槍箭兼發大礮轟摧賊匪力實不  
支紛紛潰散將毛豆塘一帶苗寨全行攻克次日福康安和琳  
帶兵復從茶它進攻搜剿用火焚燒直抵柳旁地方當督  
仗之時有各處寨苗泥首軍前呈微兵械叩頭乞命統計投降  
者如隆蓬平隴天星寨等處雖逆苗恃險負隅現在一面安頓  
大小七十餘寨逆首勢力日孤黨援日散窮蹙已極自此前

降苗嚴防後路一面設法深入環攻隨勦擒生不日趁晴朝香

### 山紀勝亭無負

天園之式顏曰勝亭蓋形以命名也戊子己丑有

所題句俱不過誌其勝概自壬辰以後歷年來此則因平定兩

金川勦滅臺灣逆匪及安南缅甸廓爾喀歸順諸武功告成或

擒吟紀績或追敘成勞地靈事順有協嘉名實堪誌喜今歲四

月內駐此時福康安和琳奏到攻克巴茅竹子山蘭草坪賊匪

諸寨落捷音卽成勝亭紀事五言長什歷誌十全武功始末有

勝亭向南望君臣此同志郵政本肅迅捷音盼飛至之句今大

功告成逆苗不日成擒仰賴

鴻臚錫禧斯亭之名儼有默契爲之先兆焉宜據諸峯頂最超

### 喜接捷音靖逆苗

天恩錫福孔之昭蓋臣念祖同內外福康安和琳皆國家世臣之  
且和琳卽和坤之弟福康安卽福長安之兄和珅福長安皆爲  
軍機大臣同朕籌畫機務而福康安和琳躬親督率勦捕務精  
逆氛弟兄內外均堪手足腹心之寄予臨

十年中大武遠揚如平準噶爾二次平回部一次掃金川二次  
靖臺灣降安南缅甸各一次定廓爾喀二次十奏膚功向曾爲  
十全記以紀其事凡皆不得已而用兵並非有意於耀武之爲  
茲逆苗滋擾自取勦戮卽歲大勳是予於十全大武之外又臺灣  
此一事仰見吳蒼雋眷解愁九日慰今朝雙忠福康安從  
錫福成功感荷不可言喻

金川臺灣安南廓爾喀諸處矢志忠蓋屢奏大勳前次征勦廓  
爾喀和琳在藏催趙糧運軍火頗能實心任事輸忠宣績深堪  
嘉予此次二人協心勦賊不辭勞勦現在大功將歲晉爵酬勳勳  
禮亦宜然因卽降旨封福康安爲貝子和琳爲伯爵用昭懋賞  
旅勇至額爾登保等及巴圖魯侍衛等數月以來屢著勞績奮  
勇可嘉亦卽命福康安和琳核其等差奏聞再降恩旨其  
打仗兵丁及屯番各兵俱著加賞一月錢糧卽所調廣西兵丁  
行走迅速雖未接仗亦屬奮勉並賞給一月錢糧以示鼓勵  
胥勞苦晉爵頒金賚合超

十月初一日

福康安和琳奏言臣等督兵進勦漸逼賊巢後路愈長旁

徑益復叢雜而鴟保平隴各寨環山阻澗險峻異常逆苗  
糾聚負嵎既須奪險采入直搥中堅尤須各路集堵預防  
紛竄自抵巖碧山梁以後連日派撥官兵分投搜捕自初  
六至十一等日共計燒燬巴溝寨札雞寨太平寨子母寨  
硝水寨古長灣等處苗寨二十餘處殲戮賊苗不可勝計  
十二日辰刻臣等督率那丹珠阿哈保等帶兵攻撲摩手  
寨山梁該處懸崖陡峻山頂有石城一道絲延數里實爲  
賊苗緊要門戶臣等察看形勢正面仰攻較爲費力隨於  
對面山坡安設大礮晝夜轟打一面密派德楞泰選帶緣  
營奮勇兵丁降番屯練及降苗等扳篳附葛繞由山僻小

路進抵摩手寨之後間道用奇併力攻擊

臣

等整兵以待

十三日黎明德楞泰帶兵遷道前進維時積霧漫山賊匪

俱向對面山坡瞭望不虞官兵從山後驟至德楞泰出其

不意督兵直撲石城槍礮並發各兵一鼓齊上賊匪措手

不及立時殲斃無算

臣等帶領巴圖魯侍衛鎮將等甫抵

山梁適聞槍聲驟發知德楞泰帶兵已到卽督率各官兵

乘勝競上兩路合攻賊匪力不能支均各捨命逃竄我兵

分投追剿斃賊又不下三二百名遂將山梁奪獲

諭曰賊匪屢經官兵剿殺之後勢已日見窮蹙今福康安和琳帶

領官兵攻堅克險已逼賊巢所得大小寨落不下四十餘處而

瀘溪隆園兩路亦同時大獲勝仗是官兵各路雲集已將賊匪  
四面圍困無從逃竄前經加恩晉封福康安貝子爵和琳伯爵  
計此旨到日業已擒獲渠魁捷報自當速至此次福康安和琳  
率領官兵奪險采入直搗中堅備嘗勞勦而額爾登保德楞泰  
分路攻剿殲賊甚多均爲出力福康安和琳著賞給上服貂尾  
褂各一件額爾登保德楞泰貂褂各一件以示嘉獎

初三日

福康安和琳奏言查苗匪首逆吳半生盤踞大烏草河一  
帶糾黨負嵎狡悍已極臣等自本月十五日攻克摩手寨  
山梁各路安設營卡綦布星羅倍加嚴密二十日訪得首

逆吳半生從鴨保寨來至高多寨糾聚衆苗希圖抗拒臣等一經聞信卽督同額爾登保德楞泰興肇觀成花連布珠隆阿那丹珠豁隆武常明巴圖魯侍衛滿漢將領綸布春塞靈額阿哈保溫春定西鼐巴蘭多隆武富蘭富僧德西津泰常山吉蘭泰富魁德勝扎隆阿張玉龍富志那趙得功張永祺王威甯楊遇春馬瑜施縉德甯阿林布姜敏功陳紹先程文韜雙林謝汝誠吉林泰魏攀舉方和應元寬王玉龍五十一褚大榮張明誠唐文高王雄黃世雄等督率滿漢屯土官兵分路競進直抵高多寨四面嚴密攻圍不遺餘力吳半生見四面攻擊竄遁無門帶同苗夥二

名直詣軍前自行投首臣卽將各官兵分列隊伍大整軍容該犯匍匐馬前叩首乞命帶回大營令留質苗犯及降苗百戶等驗認屬實臣等當卽嚴切訊問

諭曰福康安等奏生獲首逆吳半生覽奏之下敬叩

天恩倍深欣感吳半生從鴨保寨來至高多寨正在糾眾抗拒福康安和琳卽同額爾登保德楞泰等率領滿漢屯土官兵分路競進攻圍不遺餘力首逆吳半生逃遁無門卽帶同夥苗二名自詣軍前投首該犯罪惡貫盈係逆苗渠首今設法四面攻圍使之無所逃命得以生致已另降諭旨將福康安和琳並孫士毅畢沅姜晟馮光熊等交部分別優敘福甯惠齡交部議敘隨

征及守卡兵丁分別賞給錢糧其在事出力之巴圖魯侍衛及  
帶兵將弁等亦交部分別議敘福康安之子德麟加恩賞給副  
都統職銜在御前侍衛上行走和琳著賞繫黃帶福康安和琳  
仍各賞葫蘆大荷包各一對小荷包各四箇洋表帶頭各一箇  
用昭優眷額爾登保德楞泰各賞給黃瓣大荷包各一對小荷  
包各四箇火鑊各一箇興肇觀成花連布珠隆阿那丹珠豁隆  
武常明各賞繡花大荷包各一對小荷包各二箇以示嘉獎

又

諭曰福康安和琳訪得首逆吳半生從鴨保寨來至高多寨卽四  
面攻圍不遺餘力將首逆吳半生擒獲現在乘勝長驅直攻鴨

保等處賊巢竄奏實深喜慰此次逆苗滋事福康安和琳統領  
大兵於崎嶇險阻蠻烟瘴雨之中有戰必克朕卽知成功在卽  
特沛恩綸福康安晉封貝子和琳封爲一等宣勇伯甫及十日  
而福康安和琳已將首逆吳半生俘獲逆黨吳隴登等聞風膽  
落斷不能稍延殘喘奏凱蕪功剋期可至福康安和琳著交部  
從優議敘福康安之子德麟前已承襲恩賞輕車都尉加恩賞  
給副都統職銜在御前侍衛上行走和琳賞繫黃帶以旌勞勳  
孫士毅畢沅姜宸馮光熊於辦理糧餉軍火等事均無貽誤亦  
交部分別從優議敘福甯雖未能督兵進剿而幫同籌辦亦俱  
無誤福甯惠齡著交部議敘其帶兵打仗奮勇額爾登保德楞

泰花連布常明綸布春五人俱著從優議敘

恭錄

御製詩

福康安和琳奏攻圍高多寨生獲逆首吳半生大功告成  
詩以誌喜

成功知近沛恩施旬日擒兇喜報馳

前於九月十一日駐香山靜宜園時據福康安和琳

奏到大兵攻克茶它柳夯等處賊匪紛紛潰散將毛豆塘一帶寨落全行攻得各處苗匪投降乞命者七十餘寨賊勢窮蹙已極福康安和琳督兵進剿鴨保平麓等處逆首吳半生指日就擒大功十已近九因卽降旨加恩將福康安封爲貝子和琳錫封伯爵其餘出力將士優賚以示鼓勵佇盼擒獲兇渠喜報今日馳到生擒誤半生喜音乃九月二十日之事距前十一日加恩之旨恰屆一旬而前次恩旨計至九月二十四五日方抵軍營正在擒兇數日之後是朕之加恩懋賞實叶幾先卽此可見

大公至正

吳蒼助

中外一心

順錫禱先禴予衷也

天賜佑始終九月續非遲

本日據福康安和琳奏官兵搜捕首逆在摩手寨山梁安營設卡倍加嚴密於

九月二十日探得逆首吳半生自鵠保逃至高多寨糾衆圖拒

福康安和琳督率額爾登保德楞泰等分路統漢士官兵競進

直抵賊寨四面攻圍逆首無從竄逸卽帶同夥苗二名匍匐軍

前投首隨令留質苗犯及降苗百戶等同認屬實訊供見官兵

聲勢浩大自知不能抗拒是以冒死投首叩求一縷生路等語

由六百里加緊加快馳報喜音自逆匪滋事以來予幾先籌畫夙夜草心問軍書馳中旨多方指示而福康安和琳仰承克副

彈力竭誠遂能生桑渠醜綏靖苗疆皆賴

天麻佑錫愈切

惕承溯自仲春初旬聞信至今季秋月杪成功雖閱三時然地

險雨多苦深路雜奏績並非遲緩師武臣力勞苦備嘗嘉憫兼

集於懷因再頒恩命福康安之子德麟加二品頂帶授御前侍

衛和琳賞繫黃帶併優加議敘在事文武諸臣分別議敘賞給

出戰官兵一月錢糧防卡官兵半月錢糧逆首吳半生已俘其

石三保石柳邵吳龍登等三犯計此恩旨到日早就徵纏矣

批艱冒險衆誠苦錫爵頒金我豈辭慚愧未曾舞干羽古今不

逮審如斯

書大禹謨舞干羽於兩階七旬有苗格蓋史臣以形容舜文德之敷耳然歌風舞韶久矣苗甯不知必干羽而後格毋乃盡信書不如無書乎特是舜格苗以德今未能道之以德必待齊之以刑而後息事甯人是宜引以爲愧所謂古今不相及亦無取相襲也

十五日

福康安和琳奏言

臣

等生擒吳半生之後亟應乘此兵威

勝勢直搗賊巢隨將後路旁路各營卡分別布置嚴密調集官兵合力進取於一十七日派令花連布豁隆武帶同

溫春姜敏功雙林褚大榮等由得勝寨地方繞至龍角洞  
南面山梁額爾登保帶領綸布春朱射斗塞靈額西津泰  
巴蘭定西鼐宋延清沙應龍安如相等由高多寨地方繞  
至龍角洞北面山梁德楞泰興肇觀成那丹珠帶頑阿哈  
保常山德勝三布鼐和忻色布克通阿清志王威甯馬瑜  
陳紹先程文韜等由正路進攻臣等督率前進查龍角洞  
一帶最爲鴨保緊要門戶山巖層疊路徑陡險左近苗寨  
環列不可勝計沿坡築有石城一道環山迴曲勢甚堅固  
臣等督同德楞泰興肇觀成等帶領官兵隨勦隨進額爾  
登保花連布等兩路分投勦殺一日之內三路大兵共計

攻克鷺洛下水壩重寨扣堡斗沙斗思科洞霧露等寨二十餘處官兵所到苗匪等中槍中箭者橫屍徧地二十八日黎明我兵齊集於龍角洞山梁密排槍礮迎面轟擊石城內賊匪放槍抵禦相持甚久我兵攻勦愈力旋見賊苗無數長跪乞降情形極爲惶急臣等查龍角洞恃連鴨保天星平隴一帶爲首夥逆苗負固之地且抗拒日久直至官兵緊逼巢穴始行惶窘乞降斷不可輕於聽信是以臣等不准投降仍嚴督各兵悉力攻擊自辰至酉賊匪力不能支漸形潰亂各路官兵鼓勇競上躍入石城殺賊無數其附近未經被擗之黃茅坪蜡爾關鄧款臥黨構沙敵基

大窩等十五處寨落俱卽相率來投臣等當諭以如果誠心卽挑選苗兵隨同打仗該降苗等一得生命無不歡躍爭先隨同官兵勦捕逆匪並有帶傷陣亡者

十八日

諭曰孫士毅奏賊苗至川省老溪鮑家坡等處滋擾當經督兵痛加勦殺已降旨交部優敘矣楊老倫等供稱石代噶本是貴州踏車人與石柳鄧石三保起事後該犯又各自糾合苗子另作一起要往洪安一路燒搶等語是石代噶乃分路爲首滋事之犯其罪斷不可宥現在福康安等帶兵各員內額爾登保尙屬曉事當明此次隨營打仗亦爲出力令伊二人酌帶順路應回

之官兵四五百名前往洪安一帶實力搜緝務將石代噶速拏務獲勿任漏網此外他處肆擾賊匪亦必有分路爲首如石代噶者福康安和琳於隨營出力新陞之司道內酌量揀派於德楞泰穆克登阿花連布等內亦各派一人每處一文一武分路帶應回之兵前往訪查拏獲嚴辦並諭知各員等但須捕獲首犯又不可任聽弁兵等率行妄拏屠戮致有株連拖累總宜殲厥渠魁脅從罔治以示懲創而靖地方

十九日奉

旨陞授內大臣

二十七日

福康安和琳奏言

臣

等查自龍角洞以至鴨保中隔山梁

數道路徑叢雜山勢散漫逆苗築卡防禦處處堅固

臣

督飭官兵晝夜迎擊斃賊無算一面察看地勢設計攻圍

旋據降苗等報稱龍角洞山梁之左有逆苗一二千人潛

赴牛練塘一帶意欲構煽該處降苗阻奪糧餉

臣

等當卽密飭各營卡將弁嚴加防禦並傳向來誠實可信之降苗

百戶等諄切諭令遇有逆苗混跡到寨卽行擒獻連日以

來盤獲逆匪七十餘名審訊之後悉行正法

臣

等一面搜

查後路一面分兵進攻自初七日以至十一日督率額爾

登保德楞泰興肇觀成花連布綸布春那丹珠豁隆武當

明塞靈額阿哈保溫春西津泰定西鼐常山多隆武巴蘭  
富蘭富魁全得勝富志那長春扎隆阿張玉龍德甯劉廷  
奇宋延清姜敏功張永祺楊遇春施緒馬瑜沙應龍吉林  
泰李應貴五十一陳大定陳天雲等分投勦殺各山梁賊  
匪捨命擣鋒抵死抗拒官兵逾山越嶺奮勇勦殺殲斃賊  
匪無數陸續攻克大坡腦得勝山雷達山磨水山大高巖  
小高巖喜鵲坡尖巖山清平山等處大小木城石卡三十  
餘座十二日大兵進奪鴨保山俯瞰附近前後左右苗寨  
極多並砌有木城石城沿坡開挖深濠負嵎自固而乾州  
等處苗匪因聞大兵進逼亦各紛紛糾約夥黨併力固守

自應乘勝直前痛加勦洗

諭曰官兵自龍角洞進剿直至抵鴨保山攻克木城石卡覽奏稍慰賊匪於官兵攻克龍角洞後尙敢糾聚抗拒並潛赴牛練塘一帶搆煽降苗希圖阻奪糧餉於事甚有關係經福康安和琳督率將弁嚴加防禦並曉諭降苗將潛行到寨逆匪卽行擒獻悉行正法一面搜查後路一面分兵設法擒拏吳龐登等籌辦一切均屬周妥實爲勞苦出力特賞福康安和琳嵌洋鑽帶板各四塊大荷包各一對小荷包各四箇額爾登保德楞泰嵌松石金盒各一箇花大荷包各一對小荷包各二箇花連布綸布春常明金絲火鎗各一箇花大荷包各一對小荷包各二箇興肇

觀成那丹珠豁隆武花大荷包各一對小荷包各二箇其餘將領三十員每人石青緞大荷包各一對小荷包各二箇其盤獲逆匪之降苗等並卽查明獎賞

二十八日奉

旨調補鑲黃旗護軍統領